



**SIUMUT** INATSISARTUNI ILAASORTAATITAT / LANDSTINGSGRUPPEN

24. februar 2010

Inatsisartut suleriaasianni § 36 immikkoortoq 1 naapertorlugu Naalakkersuisunut imaattumik apeqquteqarniarpunga.

**Naalakkersuisunut Apeqqut:**

**Qallunaatut piginnaasakinneq pissutigalugu ilinniakkamik aallartitsisinnaangitsut ajornartorsiutillilluunniit arlaatigut aaqqiivigineqarnissaat Naalakkersuisut pilersaarutiginerlugu?**

(Malik Berthelsen, Siumut)

**Tunggavilersut:**

Ukiarmi Inatsisartuni oqaatsinut politikissap samminerani Naalakkersuisut ilaatigut ima oqariartuuteqarpsi, ”oqaatsitigut piginnaasanik amigaateqarnerup inuiaqatigiinni inooqataasinnaanermik mattussiinnangilaq, aammali atugarissaarnissamut iluaqutissat ilinniaqqinnerup periarfissittagai mattuttarpai.” Tamatuma ajornartorsitip qaangernissaanut Naalakkersuisut qanormita pilersaaruteqarpat?

Soorunami qallunaat minnerunngitsumillu tuluit oqaasii qaffasinnerusumik ilinniagaqarniarnemi pingaaruteqarnerpaajuaannassapput.

Isumagali malillugu soorlumi aamma Naalakkersuisut taamatut isumaliortut, sivikinnerusumik ilinniagaqarfinni taaneqarsinnaasuni, ulluinnarnilu kalaallit oqaasii atorlugit suliffiusuni kalaallisut oqaatsigut atorlugit ilinniarfiusinnaasunik amerlanerusunik aallartitsisariaqarpugut.

Kalaaleqatigummi maani nunami kalaallisut oqaluffiusumi, qallunaat oqaasiinik piginnaasaqannginneq pissutiginnarlugu ilinniakkaminnik aallartitsisinnaannginnerat uggornartuuvoq.

Assersuutigiinnarlugu oqaatsit pillugit Sisimiuni oqallitsitsinermi tusarnaariat ilaata oqaatigivaa, ukiut 3-it tiggaliorfimmi ikiortitut sulinermini suliffimmini ilinnialerniaraluarluni qinnuteqartaraluarluni itigartuaannarsimasoq qallunaatut karakterini appasippallaarneri pissutigalugit, naak ulluinnarni sulinerminni kalaallit oqaasii atorlugit suligaluarlutik.